

## **Ethica Amoris, Sive Theologia Sanctorum, Magni Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones  
Strenuè propugnata, Et In Materiis Principaliter Hodie Controversis  
Fundamentaliter discussa

De Externis Regulis Amoris Et Morum, Legibus Utique, ac Praeceptis  
Virtutum Theologicarum, & Cardinalium, necnon Decalogi & Ecclesiae -  
Libros Vndecim Complectens

**Henricus, de Sancto Ignatio  
Leodii, 1709**

Caput XIX. Propris illicitum est proximo cuicunque optare malum, ut inde  
nobis obveniat bonum proximi malo postponendum.

---

[urn:nbn:de:hbz:466:1-73203](#)

est tunicam tollenti dimittere & pallium, quam in judicio contendere.

## C A P U T X I X.

Prorsus illicitum est proximo cuicunque optare malum, ut inde nobis obvenias bonum, proximi mali postponendam.

<sup>206</sup> **A** pud Recentiorem Casuistam de charitate disp. 7. n. 1. sic lego: Creaturæ sibi invicem optare possunt malum, non quā malum proximi præcisè, sed ob finem extrinsecum bonum.... v. g. possum desiderare mortem alicuius, ut illi in bonis succedam, vel ne in eo sustentando, aut curando graver.... tristari etiam de vita alicuius, sive tibi amici, propter pingue testamentum quod speras.... sive mariti, quia uxori valde molestus; sive filiarum, quia nimis turpes, ut juxta conditionem suam nubant; sive tui ipsius, quia ob graves habituales infirmitates tabescis, & econtra de morte naturali gaudere, illamque optare, ob emolumenitum inde secutum. Pro quo refert Sa verbo *charitas*, Azor. 1. p. Sum. l. 3. c. 12. q. 2. & Castropalaum. Qui rationem (inquit) omniam reddit; quod hujusmodi desiderium & gaudium de malo proximi, non sit de malo illius, quā malo illius præcisè, sed potius de bono inde sequuto. Quod & repetit n. 9. dicens: gaudere de malo alterius, morte v. g. ob bonum nostrum præcisè, nullum est peccatum.

<sup>207</sup> Apud Tamburinum etiam l. 5. in Decal. c. 1. §. 29. n. 29. proposta quaestio legitur: *An possit filius mortem patris optare, vel de illa gaudere, non ut malum patris (hoc enim esset odium excrendum) sed ut ipse filius paternā hæreditate fruatur?* *An mater possit desiderare mortem filia, ne illam alere vel datare cogatur?* *An possit subdatus morte capere sui Prelati, ne prelatura ipse succedat, vel ut ab eo Prelato sibi infuso liberetur?* Et respondet: *Si solus desideres, vel cum gaudio excipias ejusmodi effectus, hæreditatem, molestia carentiam, prelaturam.... licet hac optas, vel amplecteris; quia non gaudes de alterius malo, sed de proprio bono.* N. 30. *Si desideres sub conditione, facilis item est responsio, licet posse.* N. 31. denique si absolute desiderio desideres in hunc modum: *cupio mortem patris, non ut malum patris est, sed ut bonum meum, seu ut causam boni mei, nimis quia ex illius morte ego ejus hæreditatem adibo. Vel sic: uinam moriatur mea filia, nam sic sexcentas sollicitudines excutiam, &c.* Si (inquam) sic desideres, major est resolvendi difficultas: quia tunc eligis velle malum illis, quamvis ut causam tui commodi. *Quod non videtur culpā vacare. Et ita quidem putat Bonacina. Sed Bonacina opponit Castropalaum contendenter ejusmodi desiderium esse licitum. Et n. 33. concludit, opinionem Castropala ei satis pro-*

*Tom. II.*

babilem. Consequenter in praxi tutam. Ut enim dixit in præliminari monitione ad Lectorem: *Cum sententiam aliquam probabilem... in his in Decalogum libris, nisi & alibi appello, illud dico, eam ut sine peccati scrupulo amplecti, atque in praxi sequi tuto posse.*

Verum probabilis non est, multò minus 208 in praxi tuta, imò ad minus scandalosa, & in praxi perniciosa, & ut talis ab Ecclesia per Innocentium XI. meritissimè damnata, sub pena excommunicationis prohibita in praxim deduci: in hac utique propositione, quæ est XIII. in Decreto ejusdem Innocentii: *Si cum debita moderatione facias, potes absque peccato mortali (plus dicit Castropala, posse utique absque ullo peccato) de vita alicuius tristari, & de illius morte naturali gaudere, illam inefficaci affectu patere & desiderare; non quidem ex disiplinaria ipsius personæ, sed ob aliquod temporale emolumenitum. Sicut & in hac XIV. Licitum est absolute desiderio cupere mortem patris, non quidem ut malum patris, sed ut bonum cupieritis: quia nimis ei obvenia est pinguis ha- redias.*

Refellitur proinde pseudo-doctrina illa, 209 iustissimèque damnata esse ostenditur: pri- mo, quia non solum adveratur fraternalè charitati, quæ non cogitat, minus optat malum, sed & pietati filiorum erga parentes, & dilectioni matrum in filias, & conjugalii affectui uxorum erga maritos, &c. Quæ est enim ista pietas, & observantia filiorum erga parentes, iis optare mortem, à quibus acceperunt vitam, ut ipsorum adipiscantur hæreditatem? Quæ ista dilectione matrum in filias, pariter desiderare terminum vitae, quam ipsis dederunt, ne illas alere cogantur, vel quia ipsis ad nutum suum nuptui se tradere posse diffidunt? Quis iste conjugalis affectus, tantum malum optare maritis, eu quod uxoris molesti sint? Quæ amicitia in cun- piente tantum malum amicis, propter ex- pectatum ab ipsis pingue testamentum? His sunt fines, quos laudati Authores vocant fines exirrificos bonos: cùm tamen non sint nisi fines cupiditatis, quam toties divina con- demnat Scriptura, velut radicem malorum omnium, & velut charitatis venenum, quā jubemur proximum diligere sicut nosipos. Nullus autem vellet tantum sibi optari malum, ad captanda citius sua temporalia bo- na.

At (inquis) proximo non opto malum, 210 quā malum ipsius, sed quā bonum meū. At exultatio calva (inquam ego) uti demonstrant argumenta sequentia.

Secundò: It desiderium, quo amicus ami- 211 co optat mortem, ut ipsi in bonis succedat, vel de morte ipsius gaudet, quia in bonis succedit, non esset desiderium & gaudium de malo amici, quā ipsius malo, sed quā bo- no tuo; idèoque desiderium illud & gaudium licitum esset. Similiter licitum esset des-

iderare.

derium & gaudium de morte patris, eodem modo considerata. Et sic vera esset XIV. propositio ab Innocentio XI. damnata. Quod licet concedant Caſtropalao, Sancius, Eſcobar, Hurtado, apud Dianam p. 5. tr. 14. resol. 99. filialis tamen pietatis utcumque participibus animi horrorem , aurumque tinnitum incutit, ut benè Sinnichius. Et verò quis pater (inquit) in sua familia toleret filium, sua morti inhiantem, nec aliud obtendentem, quām quōd eam non optet quatenus patri malam, sed quatenus sibi proficiam? Hoc certè divina improbat Scriptura: utpote quae Prov. 20. cum v. 20. dixisset: *Qui maledicit patri suo, & matri, extinguetur lucerna ejus in mediis tenebris;* etiam prætextu citius succedendi in hæreditatem, id illicitum esse, seu licitum non esse male optare patri & matri, v. 21. immediatè sequenti declarat, dicens: *Hæreditas, ad quam festinatur in principio, in novissimo benedictio ne carebit.*

**212** Tertiò, si licitum esset proximo optare malum, non quā malum ipsius, sed quā bonum meum; licitum quoque esset gaudere de malo ipsius, non quā malo ipsius, sed quā bono meo. Et sic licitum esset gaudere de occidente patris, imo & parricidio patris, non quā ipsius malo, sed similiter quā bono meo, sive quatenus cauſa ingentium divitiarum inde à me ex hæritate adeptarum. Hoc verò est horribile dictu, estque propositio XV. ab Innocentio XI. damnata, hæc utique: *Licitum est filio gaudere de parricidio parentis, à se in ebrietate perpetrato, propter ingentes divitias inde ex hæritate consequatas.*

**213** Quartò, si obadipiscendam hæritatem liceat optare mortem patris; ad primogenituram adipiscendam, fratri secundo-genito licebit similiter optare mortem primo-geniti; ad adipiscendam quoque coronam regiam, licebit optare mortem Regis, & ad prælaturam adipiscendam optare mortem Prælati, denique ad thiarum adipiscendam optare mortem summi Pontificis. Si enim ratio Caſtropalai bona sit, & justa, tantò melior & justior erit, quā amplius bonum, propter quod adipiscendum mors optatur. At hoc dicere non solùm horret charitas, sed & pietas, solaque non horret ambitio & cupiditas. Et si hoc liceat, quomodo jubet Apostolus fieri orationes pro Regibus, 1. Timoth. 2. pro vita scilicet & conservatione ipsorum, ut dicitur Baruch 1. *Orate pro vita Nabuchodonosor Regis Babylonis, & pro vita Balibazar filii ejus.* Et Psal. 19. 20. *Domine salvum fac Regem.* Quomodo & Ecclesia orare jubet pro S. Pontifice: *Dominus conservet eum, & vivifacet eum, & beatum faciat in terra:* cūm hoc orare non possint nisi labia dolosa eorum, qui ad dictos fines mortem optant ipsorum?

**214** Quintò, fieri potest (ait Augustinus En-

chirid. c. 101.) ut hoc velit homo voluntate malā , quod Deus vult bonā : velut si malus filius velit mori patrem, ut ipsius possidat hæreditatem, velit hoc etiam Deus.... Et tamen bona voluntati Dei.... consonat.... pietas illius postius consonat , qui patrem vult vivere, quod non vult Deus, quām huius impietas , qui vult patrem mori, licet & hoc velit Deus. Talem ergo voluntatem nedum malam, sed & impianam pronuntiat Augustinus. Et quomodo impia non esset, quā paternam mortem refert in obsequium cupiditatis suæ, inhiantis ad mammonam ipsius? Quomodo non impia, quāe pro citius asse- quendis terrenis divitiis tristatur de vita illius, à quo accepit ipse vitam? Audi ingrate fili Salomonem Proverb. 28. 20. dicentem: *Qui festinat ditari, non erit innocens,* maximè si ad festinet per desiderium tam parum consonum pietati.

Sextò, juxta amoris ordinem tenemur 215 proximi, & maximè parentum vitam, utpote bonum nobilioris & superioris ordinis, plus amare quā bona nostra temporalia, utpote bona ordinis inferioris. Ergo inordi- natissimum est, & omnino contra amoris ordinem, optare ut pater amittat vitam, ut ipsius acquiramus temporalia bona. Qui enim hoc optat, certissimè plus amat bona sua temporalia, quām proximi, v. g. pa- tris sui vitam.

Septimò, si liceret gaudere de malo al- 216 terius, quatenus est bonum nostrum, liceret & tristari de alterius bono, quatenus est ma- lum nostrum (cūm ejusdem rationis sit de malo alterius gaudere, & de bono ipsius tristari.) Atqui non licet de bono alterius tri- stari, quatenus est malum nostrum. Aliás invidia non esset peccatum. Cūm tristitia de bono alterius, quatenus est malum no- strum, invidia sit, saltem quando bonum alterius reputatur ut malum nostrum, quatenus gloria nostræ seu excellentiae est diminutivum. Sic enim docent Theologi omnes cum S. Thoma 2. 2. q. 36. a. 1. & 2. in corp. post S. Augustinum l. 11. de Ge- nesi ad litt. c. 14. dicentem, quōd cauſa invidendi superbia est.

Respondet Casuista num. 206. laudatus, 217 invidiam non esse peccatum, nisi hoc modo explicetur: invidia est tristitia de bono alterius, quatenus ita est diminutivum tui boni, ut diminutio ista sit bonum alterius.

Sed contrà: si hoc esset verum, invidia non esset peccatum, nisi quatenus foret tri- stitia de bono alterius, quā bono alterius. Adeòque invidia non foret, quatenus invidia, sed quatenus odium proximi. Certissi- mum namque est, tristitia de bono alterius, in quantum est bonum alterius (qua- lis est tristitia de bono alterius, quatenus ita est diminutivum tui boni, ut diminutio ista sit bonum alterius) esse actum odii, non invidiae ab odio distinctæ. A quo tamen

invidiam Theologi omnes distinguunt; invidia namque est tristitia de bono alterius, quatenus est excellentia quedam, in qua invidus tristatur se habere parem, vel superiorem, vel timet ne parem aut superiorum habeat. Nam, ut Augustinus ait ibidem, amando quisque excellentiam suam, vel paribus invide: quod ei coquuntur; vel inferioribus, ne sibi coquuntur; vel superioribus, quod eis non coquuntur. Et sic invidus aestimat bonum seu excellentiam alterius, ut malum proprium, in quantum est diminutum propriæ gloriae vel excellentiae, & de eo ut sic tristatur, inquit S. Thomas a. i. citato. Qui vero odit aliquem, tristatur de bono seu felicitate ejus, non in quantum est excellentia quedam, in qua nolit habere parem, sed in quantum est simpliciter bonum quoddam ejus quem odit. De ratione proinde invidie, ut speciale peccatum est, non est tristitia de bono alterius quatenus ita diminutivo tui boni, ut diminutio ista sit bonum alterius. Neque enim ad invidiam hoc requirunt Theologi, nec eorum Princeps S. Thomas, nec Augustinus, vel alii Patres.

## CAPUT XX.

*Peccatoribus & inimicis licitum est optare aliqua temporalia mala, ut corrigantur.*

218 **I**Ta S. Thomas 2. 2. q. 83. a. 8. ad 3. ubi sic: *Licitum est impugnare inimicos, in compescantur à malis. Quia hoc cedit in bonum eorum, & aliorum. Et sic etiam licet orando petere aliqua temporalia mala inimici, ut corrigantur. Atque hoc modo in S. Scriptura inducuntur multa imprecações contra inimicos. Dicitur enim in Psal. 6. Erubescant, & confundantur omnes inimici mei: convertantur, & erubescant valde velociter. Quæ quidem imprecações, qua in S. Scriptura ponuntur, quadrupliciter possunt intelligi (ait S. Doctor ibidem ad 1.) primo modo, secundum quod Propheta solent in figura imprecantis futura predicare, ut August. dicit in lib. de serm. Dom. in monte. Secundo, prout quedam temporalia mala peccatoribus quandoque à Deo in correctionem immittuntur. Tertio, quia intelligentur petere, non contra homines, sed contra regnum peccati, ut scilicet correctione hominum peccata destruantur. Quartò, conformando voluntatem suam divina voluntati, circa damnationem perseverantium in peccato.*

219 Hinc ad 2. dicit, quod licet à Deo petere vindictam de peccatoribus, ut peccati regnum evertatur, secundum illud Apocal. 6. *Usquequo non vindicas sanguinem nostrum de his qui habitant in terra? Idque petiisse Martyres, dum vindicari sanguinem suum pertierunt: quia, ut Augustinus dicit ibidem, vindicta Martyrum est, ut evertatur regnum peccati, quo ragnante tanta passi sunt.*

220 Hinc etiam Apostolus ad Galat. 5. ait:

*Uinam absindantur, qui vos concurbant! Et D. Gregorius l. 22. Moral. c. 11. Evenire plerumque solet, ut gloria peccatoris sine invidia culpa contristet: cum & ruerente eo, quodam benè erigi credimus, & proficiemte illo, plerosque injusse opprimi formidamus.*

Hinc denique tristitia de bono alterius, 221 quatenus ex eo timet quis sibi, vel aliis bonis grave malum injustè inferendum, sine peccato est, si ordo charitatis servetur. Quia eo ordine servato, Esther & Mardochæus v.g. merito dolere potuerunt de nimia auctoritate Aman, apud Persarum Regem: quia ex ea totius Gentis sue cladem sibi imminenter cernebant. Potuerunt ergo optare, Deumque orare pro ipsis depressione, ad avertendum tantum malum. Tunc nihilominus validè necessarium est subtilissimæ distinctionis examen (ait Gregorius ibidem) ne cum nostra odia exequimur, fallamur sub specie utilitatis alienæ.

## CAPUT XXI.

*Sensus verborum Salvatoris Matth. 5. Si ergo offeras munus tuum ad altare, & ibi recordatus fueris, quia frater tuus habet aliquid adversum te, relinque ibi munus tuum ante altare, & vade prius reconciliari fratri tuo, & tunc veniens offeres munus tuum.*

**S**ensus est, quod qui alterum læst, de 222 beat quamprimum reconciliari ei quem læst, etiam venias petitione, si necesse fuerit, vel certè aliis signis convenientibus proportione personam, factaque læsionis, antequam offerat munus suum ad altare, si frater præsens sit, id est non longius absens (cum jubeatur munus suum relinquerre ante altare, eoque relieto, ire ad fratrem, reconciliationis causâ) per altare intelligendo, sive illud in quo fideles cum Sacerdote in cruentum offerunt sacrificium, vel sacram sumunt communionem; sive per altare intelligatur cor nostrum, vel fides; & per munus intelligatur oratio, psalmus, sacrificium laudis, & quodcumque spirituale munus. Antequam ergo munus istud offeratur, vel Missa celebretur, vel sacra communione sumatur, reconciliatio facienda est, ad eamque faciendam accedendum est frater, nisi sit longius absens. Quo casu sufficiet ad ipsum ire pedibus animi, humilique affectu, coram Deo (cui munus oblaturus es) protestari te velle congruam satisfactiōnem fratri læso præstare, etiam venias petitione, si necesse fuerit; sufficiet (inquam) hoc facere, donec opportunitas se obtulerit id re ipsa præstandi. Ita Salvatoris verba intelligunt SS. Patres, specialiter Augustinus l. 1. de serm. Dom. in monte cap. 10. dicens: *Jubemus ergo illaturi munus in altare, si recordati fuerimus aliquid adver-*